



**Loca Infesta,|| Hoc est:|| De Infestis,|| Ob Molestantes||  
Daemoniorvm Et Defvncto-||rvm Hominvm Spiritvs,  
Locis,|| Liber Vnvs.||**

**Thyraeus, Petrus**

**Coloniae Agrippinae, 1598**

**VD16 T 1247**

Cap. LXXII. An & quas ob causas conueniat, vt satisfiat purgandis  
Spiriticus, nostram operam implorantibus?

---

[urn:nbn:de:hbz:466:1-61332](https://nbn-resolving.de/urn:nbn:de:hbz:466:1-61332)

interuenientibus liberaretur, aliquoties ante, per visum admone-  
ri Sanctus vir videbatur. De Bernardo vero scribit VVilhelmus  
Abbas, cap. 10. lib. de vita Bernardi, eiusdem precibus adiutum  
quendam, & societate sanctorum in cœlo adiunctum, qui iam an-  
num integrum pœnas easdem purgatorias sustinuerat. Et Arnul-  
phus presbyter quidam S. Remberto, Archiepiscopo Bremensi  
apparuit; seque ieunio quadraginta dierum, quod ille pro ipso,  
atque ab ipso rogatus, persolverat, pœnis se solutum. & felicitate  
Sanctorum donatum restatus est. Surius Tomo I. Sanctorum. O-  
mitto alios plures, quorum mentio fit capitibus 75. 76. 78. &c.

## C A P . L X X I I .

*Multis, magnisque de causis conuenire, ut purgan-  
dis Spiritibus viui succurrant, quando excita-  
tis molestiis ipsorum auxilia postulant.*

 Onditionem purgandorum Spirituum exposuimus, 1.  
quidque molestia sua querant: nunc quamuis libertas à  
molestiis, quam expetimus, nos per se vrgere possit, vt  
iis subueniamus, & libertate fruamur; non tamen sola illa mouere  
debet plurimæ causæ sunt, & grauissimæ; quæ, vt his Spiritibus,  
quibuscunque possumus modis, subueniamus, nos impellunt.

Etaliæ quidem ab ipsis Spiritibus sumuntur: aliæ ex nostra  
viuentium persona: aliæ ex malis, quæ Spiritus illi patiuntur: aliæ  
ex divina prouidētia: aliæ ab exemplo Maiorū: aliæ ex ratione ho-  
nestatis: aliæ ex fructibus, qui cū hoc pietatis studio sunt cōiuncti.

Spiritu illa conditio est, vt omnino misericordia digni sint, &  
omnibus modis opera nostra debeant iuuari. Neque enim aut Dei,  
aut illorum viuentium sunt hostes: quinimò Deum diligunt su-  
per omnia nihilq; eius honore prius habent: hominum vero & di-  
ligunt, & expetunt, & quibus modis possunt, promouent salutem  
atque incolumitatem. Qui igitur digni sunt beueficio; indigne il-  
lo priuabuntur.

Summa eorum est necessitas. Nam & grauissimè pleuntur, & de-  
creta pœnas, nisi aliunde subleuentur, vsque ad nouissimum qua-  
drantem dependere compelluntur. Vnde & dici solet huiusmodi,  
extrema necessitate premi. Nec male. Pauper est enim, qui parū ha-  
bet Pauperior, qui nihil habet. Adhuc miferior, qui nihil habet,  
nec quæstum ullum, vlla omnino ex re, facere potest. At omnium  
est miserrimus, qui nihil in bonis habet, & nihil quicquā amplius  
lucrari

lucrari potest: & multa præterea debet; & eius seueritatis creditorum sustinet, qui dilationem nullam, nullas concedit inducias, sed seuerissimè illud usurpat: si non habet in are; luat in pelle. At hac conditio est spirituum horum, qui ad nos rediunt.

5. Quid, quod vel hoc nomine nostra suffragia opemque mereantur, quod in pœnis constituti, pro nostra salute sint solliciti, illamq; Deo suis orationibus commendent? dignique sint nostra oratione, qui nos dignos censemus sua oratione? Scio esse, qui hoc insufficientur; verum vtrum bene, vehementer dubito. Quid quæso, cur minus pro nobis orient impedire? An quia Deum nondum vident? At orabant olim pro Iudaorum gente Onias atq; Ieremias, 2. Machab. cap. vltimo; qui nec ipsi Deum videbant. An quia longè inferioris conditionis sunt viuentibus? Verum hoc nihil impedire, quia etiam minimus quisq; sine criminie, imo cum laude orat pro summis Ecclesiæ capitibus. An quia grauitas suppliciorum, quæ patiuntur, sic mentem occupat, ut omnem de aliis rebus cogitandi occasionem adimat? At epulo in inferno maiora tormenta sustinebat; qui tamen pro fratribus orabat. Lucæ 16. Et in maximis tormentis constituti Martyres, pro aliorum salute fuerunt solliciti, quemadmodum suo exemplo docet B. Stephanus, Actuum 7. Non est illa suppliciorum pœnarumque, quas defuncti patiuntur, acerbitas; ut vel rationis usum impedian, vel pium voluntatis affectum perturbet, quemadmodum vel ipsa, quam pro se faciunt, oratio demonstrat.

6. Nos ippos penitus introspiciamus. ex nobis quid illis debeamus, intelligemus. Membra quædam sumus illius corporis, cuius caput Christus est. an soli? Nequaquam. Et illi sunt eiusdem corporis membra, qui in celo cum Christo regnant, & qui alicubi purgatoriis pœnis, ob defectus, quos commiserunt, expiantur. Quod igitur membrorum in nostro corpore officium erga se mutuo, natura docente, discimus, id iis præstems, qui eiusdem corporis, sub Christo Capite, sunt membra. Quid illud? Compatriuntur filii mutuo, inquit Apostolus, membra: vicissim aliorum, qua passunt, ratione, misericordiam subleuant. Quidni igitur purgandis spiritibus subueniamus?

7. Mala, quæ patiuntur hi spiritus, etiam nos impellere debent ad hoc officium ipsis præstandum. Tanta enim ab iis, qui partim viderunt, partim experti sunt, ea quorundam esse prædicantur, ut humana oratio illorum magnitudinem assequi nequeat. Illum transitorium ignem, inquit B. Gregorius in Psal. 3. Pœnitentiale, omni

P A R S T E R T I A.

397

omni tribulatione praesenti existimo intolerabiliorem. Et B. Augustinus in Psalm 37. Quamvis, inquit, Salvi sicut per ignem; grauior tamen ille ignis est, quam quidquid potest homo pati in hac vita. Et Beda in eudem Psal. nulla putat esse supplicia Martyrum, vellatronum cum purgatorijs paenitentia conferenda. similia docent Anselmus in 1. Corin. 3. & D. Bernardus, sermone de obitu Humberi. Igitur si in hac vita mortali natura-  
liter condonamus reis, alioquin nobis infestis, in quos publica iustitia seuerius animaduertit; vel cani quoque vel alteri bestiæ indig-  
nus traducet; magna nos ratio urget, ut Spiritibus illis magno  
spiritu affectu compatiamur, operamque, quam à nobis efflagi-  
tant, fideliter impertiamur.

His accedit, quod hoc officij genere diuinæ voluntati satisficeri  
credi debeat. Cum enim non nisi singulari diuinæ prouidentiaz  
consilio Spiritus ad viuos redeant, & hoc fine, ut viuentium sub-  
sidia impetrent, atque à paenitentia sustinent grauissimas, eripi-  
antur, redeant: an non, qui ipsorum miseretur, diuinæ voluntati  
satisfacere credi potest?

Maiorum studiū hic mulius & magnus argumentis se prodit, & nos ur-  
get. Res luce meridiana clarius est. tantoque plus penderis, apud  
nos, habere debet; quanto iam pauciores sunt, qui Maiorum exem-  
plis insistunt. Nam et si sectæ ad modum inter se sint dissimilæ; ad v-  
num tamen omnes in defunctorum pernitiem conspirasse depre-  
henduntur: nec qui, quæni presidijs defunctis impertiuntur; nec a-  
lios pacatè impartiri sinunt.

Virtutum etiam officia (in quibus honestatis ratio consistit) hie  
plurima concurrunt. fidei, quod contra nostrorum temporum Hære-  
ticos, purgatorias paenas, rebus ipsis, testemur. Spei, quam de diui-  
na clementia hinc concipimus, & nostra opera aliis pro futura con-  
fidimus. charitatis, quam hoc officij genere proximis, maximè indi-  
gentibus, impendimus. deniq; aliarum quarumcunq; virtutum, qua-  
rum opera defunctorum causa suspicimus.

Quantus verò, ex his, ad nos fructus? sed præter illum, insignis quoq;  
retributionis spes excitari potest. Omnino nobis polliceri pos-  
sumus, quod quam vicem viuimus mortuis; eandem nobis mor-  
tuis viui sint præstituri, secundum illud: Qua mensura mensi fueritis,  
remeretur vobis. Lucæ 6. Ut interim taceam, quod hac re etiam eos  
nobis mirè deuinciamus, pro quibus suffragia facimus; & spe-  
rare possimus. quod nos cōmendatissimos habituri sint in cælis,  
quibus ut à suppliciis eriperentur, authores fuimus in terra.

KK

Possem

218 DE LOCIS INFESTIS

12. Possem pro hoc argumento Sanctorum Patrum plures proferre sententias. Sed pro omnibus vna sufficerit D. Augustini; qui in lib. de Cura pro Mortuis, cap. 4. sic loquitur: Non sunt pretermittenda supplicationes pro spiritibus mortuorum; quas faciendas pro omnibus in Christiana & Catholica societate defunctis, etiam tacitis nominibus quorumque, sub generali commemoratione suscepit Ecclesia: ut quibus ad ista defunt parentes, aut filii, aut quicunque cognati, vel amici; ab una ipsis exhibeatur pia matre communis. Ita Augustinus.

13. Forsan negatur fieri posse, ut unus alterius in se onus suscipiat, & quas alius promeritus est, liberè penas sustineat. At negare hoc non debet Christianus homo. Quemadmodum in naturalibus pes non sua tantum; sed oculorum quoque causa, munere suo fungitur: nec rursus, quod oculi vident, id ad illorum propriam, sed ad communem membrorum omnium utilitatem referendum est, nec denique quod in familia ritè instituta unusquisque industria sua conficit; istud velut peculium in proprium commodum seorsum seponit; sed in communem omnium usum, medium adducit; ita in Ecclesia quoque mystica membra sibi in vicem deseruunt, mutuasque sibi inuicem operas præstant.

14. Agnouit hoc optimè Sanctissimus Paulus. Vnde ad Rom. 15. bona à Iudeis conuerteris facta docet profuisse Gentibus. Si inquit spiritualium eorum participes facta sunt gentes; debent & in carnibus ministrare ipsis. Et ipse, veluti communis omnium fidelium præceptor, & Doctor Gentium, perpecciones suas docet aliis prædelle. Gaudet, inquit ad Coloss. i. in passionibus pro vobis, & adimpleat ea, quæ desunt passionibus Christi in carne mea pro corpore eius, quod est Ecclesia. Denique ad similia studia hortatur Ephesios, & in Ephesijs Christianos omnes. Estote, inquit cap. 5. imitatores Dei sicut filii eius ipsi, & ambulate in dilectione, sicut Christus dilexit nos, & tradidit semetipsum pro nobis. Vult dicere: Quemadmodum mystici corporis caput, Christus Iesus, ardenti charitate motus, pro membris suis semet ipsum tradidit; ita unumquodque eiusdem membrum, pro altero sese tradat, operetur.

15. Pronior est Deus ad miserandum, & promeritam peccatum condonandum; quam ad condemnandum, vel puniendum. Misericordia eius super omnia opera eius. Psal. 144. Magnificata est, inquit idem Propheta, Psal. 56. vsq[ue] ad celos misericordia tua & usq[ue] ad nubes (qua infra celum sunt) veritas (& iustitia) tua. Sed exploratum est eundem non ob propria tantum, sed etiam ob aliena flagitia, multo sepe calamitatibus inuoluisse, & inuolucre quotidie. Ob pecca-

tum

## PARS TERTIA.

159

tum David, septuaginta Iudeorum milia pestilentia extinxit; 2. Reg. 24. Ob unius Acham sacrilegium tria eiusdem populi milia in scđam fugam conuertit; Iosue 7. Ob unius Ione fugam nautas cū ceteris vectoribus multum diuque tempestate iactauit; Ionæ 1. Ob Phariseorum in Christum peccatum, totam Iudeorum gentem innumeris cladibus oppressit, &c. Si ergo Deus Opt. Max. hæc atque similia mala irrogat insonti propter alterius scelera; cur pœnam temporariam iusto, vel etiam iniusto propter vtroneam alterius satisfactionem non condonet?

Ob insignem Abraham pietatem pepercit Deus Loth & Abimelech; Genes. 19. & 20 paratumque se declarat ob decem tantum iustos, omnibus Sodomitis & Gomorrassis, eorumque vicinis parcere; Genes. 13. Ob insignem Davidi religionem pepercit Salemon; 3. Reg. II. Propter Apostoli Pauli charitatem ducentis naufragis animabus; Actuum 28. Propter Moys intercessionem toti Israeli; Exodi 32. Propter offerentium fidem Paralytico utriusque hominis sanitatem præsttit; Matth. 9. Denique, ipse inquit, Ezech. 22. quæfui virum, quis interponeret sepem, & staret oppositus contra me, pro terra, ne dispare neam. Cùm hæc igitur Dei beneficia admittantur; cur negatur eius benevolentia, in temporalium pœnarum, quas alij pro aliis in se suscipiunt, condonatione? Cur negatur piè defunctorum viuentes posse in se onera suscipere? pro iisdemque satisfacere? Quantum possint proborum, sanctorumque hominum merita, pulchre ostendit B. Chrysostomus homilia 2. in Psal. 50. Sanctus David, inquit, non solum cùm in corpore esset, placuit Deo; sed & post mortem suam viuis inuenitur præstuisse solarium. Contigit namque Ezechie Regi, inimicis interporibus Iudeorum gentes circumuallasse Hierosolymam. Et cùm esset Ezechias iustus vir rogauit Deum: & prostratus lachrymis deprecabatur, vltionem de aduersarij postulans. Venit ad eum Isaias Prophetæ, & dicit: Ne putaret ille, quia iustitia sua exauditus est. Et certè iam defecerait David, & habebat multos annos requiescens. Quid ergo dicit ei? Protegat hanc ciuitatem propter me, & propter David seruum meum. David mortuus est, & merita eius vigent. Ita Chrysostomus. Hinc optimè Sanctissimus Pontifex Leo, Sermo. 3. de Ieiunio septimi mensis: Apostolorum, inquit, meritis & orationibus confidimus nobis per omnia misericordiam Dei nostri esse praestandam.

Quid igitur est, quæret aliquis quod ab Apostolo dicitur, ad Galat. 6. vnuquisq; omnis suum portabit? Quæro ego quid sit quod id est.

Kk. 2

Aposto.

160

Apostolus, eodem loco, velit alterum alterius onera portare? Forsitan sibi contrarius Apostolus? aut est apud ipsum, Est & non? Fidelis Deus (i. testor Deum) inquit 2. Corinth. 1. Sermo u. ster, qui fit ad vos, non est in ipso Est, & Non. Sunt igitur, qui dicant, de iis loqui Apostolum; qui sine pœnitentia ex hac vita discedunt, quorum onus aliorum nullus in se suscipiet, sed ipsi quas meruerunt pœnas æternas persoluent. Vnusquisque, inquit in hunc locum Anselmus, grauabitur propria conscientia peccatorum. Sed & illi, qui purgatoriis pœnis expiantur, onus suum portant; quia nihil recipiunt, quod non gesserunt in corpore. Id enim meruerunt perseverando in fide & charitate usque ad mortem, ut etiam post mortem aliorum opera possint iuuari. Eodem modo responsum sit illi, ad Rom. 2. Reddet vnicuique iuxta operas sua. Et illi ad Galat. 6. Qua seminauerit homo, hac & metet.

Hæc D. Augustini sententia est, lib. de Cura pro mortuis gerenda cap. 1. vbi sic loquitur: Cum hec ita sint (quod scilicet mortui per alios iuuentur) quomodo huic opinioni contrarium non sit, quod dicit Apostolus (2. Corinth. 5. omnes enim astabimus ante tribunal Christi, ut ferat unusquisque secundum ea, qua per corpus gessit, siue bonum, siue malum, non te satis videre significas. Hac quidem Apostolica sententia ante mortem admonet fieri, quod possit prodesse post mortem: non tunc, quando iam recipiendum est, quod quisque gesserit ante mortem. Verum hoc ita soluitur quaestio, quoniam quodam vita genere acquiritur, dum in hoc corpore vivitur, ut aliquid adiuuent ista defunctos: ac per hoc secundum ea, que per corpus gesserunt, eis que post corpus religiose, pro illis facta fuerunt, adiuuantur. Sunt enim quos nihil omnino adiuuant ista; siue pro ipsis siant, quorum tam mala sunt merita, ut neque talibus digni sint adiuuari: siue pro ipsis siant, quorum tam bona; ut talibus non indigeant adiumentis. Genere igitur vita, quod gessit quisque per corpus, efficitur; ut profint, vel non profint, quaecunq; pro illis piè sunt, cum reliquerit corpus. Nam meritum, per quod ista profint, si nullum comparatum est in hac vita, frustra quaritur post hanc vitam. Ita fit, ut neque inaniter Ecclesia, vel suorum cura pro defunctis, quod potuerit religionis impendat: & tamen ferat unusquisque secundum ea, qua per corpus gessit.

Hactenus Augustinus.

CAP